

圖畫見聞誌

埽葉山房
縮印

印施聖心仁孝弟三

藏御畫御馬一穎悟聖藝神奇遇四年七月十四
云慶曆四年七穆大長公主薨明內藏借觀不日
因伯父內藏借傳模鏤版印施聖心仁孝又非愚
臣所能稱頌若虛舊有家藏御畫御馬一疋其毛
赭白玉銜勒上有宸翰題云慶曆四年七月十四
日御畫兼有押字印寶後因伯父內藏借觀不日
赴杭鈴之任既久假而不歸居無何伯父終於任

所此實遂歸伯母表兄張湍少列今不復可見爲

終身之痛

兼曾見張文懿家有小猿一軸仍聞禁中有天王菩薩像

太上游心難可與臣下竝列故尊之卷首

紀藝中

聖朝建隆九年後至熙甯七年總一百五十八人

王公士大夫依仁游藝臻乎極至者一十三

人

燕恭肅王

嘉王

李後主

燕肅

武宗元

劉永年

郭忠恕

王士元

宋道

宋迪

文同

郭元方

董源

燕恭肅王位尊磐石名重戚藩天縱多能精於像
物嘗觀所畫鶴竹雪毛丹頂傳警露之姿翠葉霜
筠盡含烟之態亦嘗自朽十六羅漢令蜀人尹質

描染稜稜風骨類非常格所能及

聞朱邱甚有遺蹟世罕得見

皇弟嘉王維城茂美副茅土之強宗醴席餘休命

毫煤而取適嘗觀所畫墨竹圖位置巧變理應天

真作用縱橫功齊造化復愛狀蝦魚蒲藻筍籜蘆

花雖居紫禁之中頗得滄洲之趣筆意超絕殆非

學而知之者矣

王尤精篆籀有盡六幅繚止書一字者筆力神俊可謂驚絕

江南後主李煜才識清贍書畫兼精

書名金錯刀

嘗觀

所畫林石飛鳥遠過常流高出意外金陵王相家

有雜禽花木李忠武家有竹枝圖皆稀世之玩

燕肅字穆之其先燕薊人後徙家曹南位龍圖閣

直學士以尙書禮部侍郎致政文學治行外允善

畫山水寒林澄懷味象應會感神蹈摩詰之遐蹤

遍咸熙之懿範太常寺有所畫屏風玉堂刑部景

寧坊居弟暨許維佛寺中皆有畫壁公以壽終於

康定元年贈太尉公畫與所藏古筆僅百卷皆取

入禁中故人間所傳圖軸幾稀矣

公凡莅州郡作刻漏法最精又

嘗被旨造指南
車皆出奇思

武宗元字總之河南白波人官至虞曹外郎書畫
佛道人物筆術精高曹吳具備嘗於雒都上清宮
畫三十六天帝其間赤明陽和天帝潛寫太宗御
容以趙氏火德王天下故真宗祀汾陰還經雒都
幸上清歷覽繪壁忽覩聖容驚曰此真先帝也遽
命設几案焚香再拜且歎其畫筆之神竚立久之
上清卽唐玄宗皇帝廟舊有吳生畫五聖圖杜甫

詩稱五聖聯龍袞千官列雁行是也後因增廣庭
廡畫壁遂廢宗元復運神蹤高紹前哲張文懿有
詩云曾此焚香對聖容宗元又嘗於廣慶寺見吳
生畫文殊普賢大像因杜絕人事旬餘刻意臨倣
蹙成二小幀骨法停分神冠氣格天衣纓絡乘跨
部從與大像不差毫釐自非靈心妙悟感而遂通
者孰能與於此哉許昌龍興寺北廊有帝釋梵王
及經藏院有旃檀瑞像嵩嶽廟有出隊壁皆所奇

四
絕初名宗道後改名宗元以壽終於皇祐二年有
佛像天王九子母等圖傳於世

涑州防禦使劉永年字君錫章獻明肅皇后之姪
也才敏有神力兼於畫筆錯總萬類非常格可擬
郭忠恕字恕先雒陽人少能屬文七歲舉童子初
周祖召爲博士後因爭忿於朝堂貶崖州司戶秩
滿去官不復仕縱放岐雍陝雒之間善畫屋木林
石格非師授有設紉素求爲圖畫者必怒而去乘

興卽自爲之郭從義鎮岐下每延止山亭張素設
粉墨於旁經數月忽乘醉就圖之一角作遠山數
峯而已郭氏亦珍惜之岐有富人主官酒酤其子
喜畫日給醇酎設几案絹素及好紙數軸屢以情
言忠恕俄取紙一軸凡數十番首畫一卅角小童
持線車紙窮處作風鳶中引一線長數丈富家子
不以爲奇遂謝絕太宗素知其名召赴闕下授以
國子監主簿忠恕益縱酒肆言時政頗有謗譏上

惡之配流登州死於齊之臨邑道中尸解焉有屋

木卷軸傳於世

忠恕尤精字學宋元憲嘗手按忠恕佩觿三篇寶玩之

推官王士元仁壽之子也靈襟蕭爽畫法特高人
物師周昉山水學關同屋木類郭忠恕皆造其微
嘗見張文懿家有雜木寒林高丈餘風韻遒舉格
致稀奇兼有伊尹負鼎鳳樓十八怨四時山水等
圖傳於世

宋道字公達雒陽人宋迪字復古二難皆以進士

擢弟今竝處名曹悉善畫山水寒林情致嫺雅體

像雍容今時以爲祕重矣

然則友愛之談所宜推揖

文同字與可梓潼永泰人今爲司封員外郎祕閣
按理善畫墨竹富蕭灑之姿逼檀欒之秀疑風可
動不苟而成者也復愛於素屏高壁狀枯槎老枿
風旨簡重識者所多

郭元方字子正京師人官至內殿承制善畫草蟲
備究蜚蠊潛分造化空矜妙藝藹播佳名然而著

意者不及疏略益或點綴過當翻爲失真頗有圖
軸傳於世

董源字叔達鍾陵人事南唐爲後苑副使善畫山
水水墨類王維著色如李思訓兼工畫牛虎肉肌
豐混毛毳輕浮具足精神脫略凡格有滄湖山水
著色山水春澤放牛牛虎等圖傳於世

高尚其事以畫自娛者二人

李成

宋解

李成字咸熙其先唐宗室避地營丘因家焉祖父
皆以儒學吏事聞於時至成志尙冲寂高謝榮進
博涉經史外尤善畫山水寒林神化精靈絕人遠
甚敘論卷中已述開寶中都下王公貴戚屢馳書延請成

多不荅學不爲人自娛而已後遊淮陽以疾終於

乾德五年子覺尤以經術知名職踐館閣請恩幽

閔贈光祿丞

事見宋白所撰墓碣

有煙嵐曉景風雨四時山

水松柏寒林等圖傳於世

宋解字則未聞長安人故樞密湜之弟司封道之
從祖也姿度高潔不樂從仕圖書之外無所嬰心
善畫山水林石凝神遐想與物冥通遇興登樓有
時操筆故人間不多見其蹟有煙嵐曉景奔灘怪
石等圖於世

業於繪事馳名當代者一百四十六人
人物山水

花鳥雜畫

分爲四門

人物門
五十三人僧道并
獨工傳寫者附

王 霽

王 瓘

趙光輔

孫知微

李文才

袁仁厚

王齊翰

顧德謙

高 益

孫夢卿

趙隱士

勾龍爽

石 恪

趙長元

周文矩

郝 處

厲昭慶

顧洪祝

李雄

侯翼

高文進

王道真

李用及

李象坤

高懷節

張昉

高元亨

楊肫

子圭

王兼濟

孫懷悅

陳用智

孟顯